

ქ. თბილისი

ერთის მხრივ, სსიპ საქართველოს ეროვნული მუზეუმი, მისი გენერალური დირექტორის მოადგილე გიორგი ბეზარაშვილის სახით (შემდგომში - შემსყიდველი) და მეორეს მხრივ, შპს „ალმა-პლიუსი“-ს დირექტორის დ. მოწონელიძის სახით (შემდგომში - მიმწოდებელი), „საჯარო სამართლის იურიდიული პირის – საქართველოს ეროვნული მუზეუმის მიერ სახელმწიფო შესყიდვების გამარტივებული შესყიდვის საშუალებით განხორციელების შესახებ“ საქართველოს მთავრობის №1026 13.05.11წ. განკარგულების შესაბამისად დებენ წინამდებარე ხელშეკრულებას შემდეგზე:

1. ხელშეკრულების საგანი

1.1. სსიპ საქართველოს ეროვნული მუზეუმის კონსტრუქციის მასალები და ანალოგიური ნივთები/საგნების ხარჯიდან (CPV 44100000) მომსახურების გაწევა.

2. ხელშეკრულების ობიექტი და ღირებულება

2.1. ხელშეკრულების ობიექტს წარმოადგენს ს. ჯანაშიას სახელობის საქართველოს ისტორიის მუზეუმში მუდმივი ექსპოზიციის „არქეოლოგიური საგანძური“ განხილვასთან დაკავშირებით სარეკლამო ბანერის კონსტრუქციის დამზადება და ბანერის გადაჭიმვა.

2.2. ხელშეკრულებით გათვალისწინებული მომსახურების საერთო ღირებულება შეადგენს 3760.0 (სამი ათას შვიდასსამოცი) ლარს, დღგ-ს ჩათვლით.

№	დასახელება	რაოდ.	ერთ. ფასი	თანხა დღგ-ს გარეშე	დღგ	თანხა
1	კედლის პანოს კონსტრუქციის დამზადება (12.3X5.6)	2	381.36	762.71	137.29	900.0
2	კონსტრუქციაზე ბანერის განთავსება	2	127.12	254.24	45.76	300.0
3	დროშების დამზადება და მონტაჟი (0.8X2)	12	152.54	1830.51	329.49	2160.0
4	აძწე კალათის, ტრანსპორტის მომსახურება			338.98	61.02	400.0

3. მომსახურების ხარისხი და გარანტია

3.1. მიმწოდებელი იძლევა გარანტიას, რომ გაწეული მომსახურება შესაბამისობაში იქნება საქართველოში მოქმედ სტანდარტებთან და სრულად დააკმაყოფილებს შემსყიდველის მოთხოვნებს.

4. მომსახურების შესყიდვის ვადა და ადგილი

4.1. შესყიდვის ობიექტის მიწოდების ვადა: 2011 წლის 27 მაისამდე.

4.2. შესყიდვის ობიექტის მიწოდების ადგილი: ქ. თბილისი, რუსთაველის გამზ. №3.

5. შესყიდვის ობიექტის მიღება-ჩაბარების წესი

5.1. შემოწმებით თუ გაწეული მომსახურება აკმაყოფილებს შემსყიდველის მოთხოვნას, მხარეთა შორის ფორმდება მიღება-ჩაბარების აქტი, რომელიც ხელმოწერითა და ბეჭდით უნდა დაამოწმონ შემსყიდველისა და მიმწოდებლის უფლებამოსილმა პირებმა.

5.2. მომსახურება ჩაითვლება სრულად შესყიდულად მხოლოდ მიღება-ჩაბარების აქტის გაფორმების შემდეგ.

6. ანგარიშსწორების პირობები

6.1. მომსახურების შესყიდვის ღირებულების ანაზღაურება ხორციელდება ფაქტიურად გაწეული მომსახურების შესაბამისად წარმოდგენილი საგადასახადო ანგარიშ-ფაქტურისა და მხარეთა შორის გაფორმებული მიღება-ჩაბარების აქტის საფუძველზე 10 საბანკო დღის განმავლობაში.

6.2. ანგარიშსწორება იწარმოებს უნაღდო ანგარიშსწორებით, ლარებში, მიმწოდებლის მიერ რეკვიზიტებში მითითებულ საბანკო ანგარიშზე.

7. მხარეთა ძირითადი უფლება-მოვალეობანი

7.1. შემსყიდველს უფლება აქვს:

7.1.1. მოსთხოვოს მიმწოდებელს ხელშეკრულების ჯეროვანი, დროული და კეთილსინდისიერი შესრულება;

7.1.2. განახორციელოს კონტროლი და ზედამხედველობა ხელშეკრულებით გათვალისწინებული პირობების შესრულებაზე;

7.1.3. მოსთხოვოს მიმწოდებელს დეტალური ინფორმაცია გასაწევი მომსახურების შესახებ.

7.2. შემსყიდველი ვალდებულია:

7.2.1. გადაიხადოს მომსახურების ღირებულება ამ ხელშეკრულებით გათვალისწინებული წესითა და ოდენობით;

7.2.2. გაწეული მომსახურების ნაკლის აღმოჩენის შემთხვევაში, დაუყოვნებლივ წერილობით აცნობოს მიმწოდებელს და მოითხოვოს ნაკლის აღმოფხვრა;

7.2.3. დაიცვას ხელშეკრულებით განსაზღვრული სხვა პირობები.

7.3. მიმწოდებელს უფლება აქვს:

7.3.1. მოითხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებულ ვადებში;

7.3.2. შემსყიდველთან შეთანხმების საფუძველზე დაავალოს საამისოდ უფლებამოსილ პირებს ხელშეკრულების 2.1. პუნქტით განსაზღვრული მომსახურების გასაწევად აუცილებელი რაიმე კონკრეტული სახის სამუშაოს შესრულება მის მიერ დადგენილ გონივრულ ვადაში და მოითხოვოს მისი დროულად ჩაბარება ყოველგვარი დამატებითი ანაზღაურების გარეშე.

7.3.3. მოითხოვოს შემსყიდველისაგან ხელშეკრულების სხვა პირობების დაცვა.

7.4. მიმწოდებელი ვალდებულია:

7.4.1. შეასრულოს ხელშეკრულებით გათვალისწინებული მომსახურება;

7.4.2. არ არის ვალდებული, გასწიოს ხელშეკრულებით პირდაპირ გათვალისწინებული მომსახურება. ნებისმიერი სხვა მომსახურება ექვემდებარება დამატებით შეთანხმებას მხარეთა შორის წინამდებარე ხელშეკრულებაში შესაბამისი ცვლილებების/დამატებების შეტანის ან ახალი ხელშეკრულების დადების გზით.

7.4.3. გაწეული მომსახურების ნაკლოვანების შემთხვევაში თავისი ხარჯით უზრუნველყოს აღნიშნული ნაკლის გამოსწორება;

7.4.4. გასწიოს მომსახურება საკუთარი ძალებითა და ტექნიკური საშუალებებით;

7.4.5. წინასწარ აცნობოს შემსყიდველს მოსალოდნელი შეფერხების შესახებ;

7.4.6. ჯეროვნად შეასრულოს ხელშეკრულებით გათვალისწინებული ყველა სხვა პირობა.

#### 8. მხარეთა პასუხისმგებლობა ხელშეკრულების პირობების დარღვევისას

8.1. მიმწოდებელი პასუხისმგებელია გაწეული მომსახურების ხარისხზე და ვალდებულია სრულად აუნაზღაუროს შემსყიდველს ნებისმიერი ზიანი, რომელიც მას შეიძლება მიაღწეს მომსახურების უხარისხოდ ან არაჯეროვნად გაწევის გამო.

8.2. ხელშეკრულებით ნაკისრი ვალდებულებების არაჯეროვნად შესრულების, ან შეუსრულებლობის შემთხვევაში ყოველი დაგვიანებული დღისათვის მხარეებს ეკისრება პირგასამტეხლო ხელშეკრულების საერთო ღირებულების 0.1% ყოველ გადაცილებულ დღეზე.

8.3. პირგასამტეხლოს გადახდა ხორციელდება მიმწოდებლისათვის ასანაზღაურებელი მომსახურების ღირებულებიდან შესაბამისი თანხის გამოქვითვის საშუალებით.

8.4. პირგასამტეხლოს გადახდა არ ათავისუფლებს მიმწოდებელს მომსახურების გაწევის ვალდებულებისაგან.

8.5. თუ დაკისრებული პირგასამტეხლოს ჯამური თანხა გადაჭარბებს საანგარიშსწორებო პერიოდისათვის გასაწევი მომსახურების ღირებულების 10%-ს, შემსყიდველს უფლება აქვს მიიღოს გადაწყვეტილება ხელშეკრულების სრული ან მისი ცალკეული პირობების მოქმედების შეწყვეტის შესახებ.

#### 9. ხელშეკრულების ინსპექტირების პირობები

9.1. შემსყიდველს ან მის წარმომადგენელს უფლება აქვთ ხელშეკრულების შესრულების ნებისმიერ ეტაპზე განახორციელონ კონტროლი მიმწოდებლის მიერ ნაკისრი ვალდებულებების შესრულებაზე, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და შესყიდველის მოთხოვნებთან.

9.2. თუ შესყიდვის ობიექტი არ შეესაბამება ხელშეკრულების პირობებს და არსებული სტანდარტების მოთხოვნებს, შემსყიდველი მიმწოდებელთან ერთად, ან მის გარეშე ადგენს აქტს დადგენილი წესის შესაბამისად.

9.3. გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

9.4. მიმწოდებლის მიერ ნაკისრი ვალდებულებების შესრულების კონტროლს შემსყიდველის მხრიდან განახორციელებს სალომე გურული – ინტერდისციპლინარული პროექტების მართვის სამსახურის მენეჯერი.

#### 10. ფორს-მაჟორი

10.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

10.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა

და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით და სხვა.

10.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

#### 11. ხელშეკრულების პირობების გადასინჯვის შესაძლებლობა

- 11.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 11.2. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.
- 11.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

#### 12. ხელშეკრულების მოქმედების ვადა

- 12.1. ხელშეკრულება ძალაშია ხელმოწერის დღიდან და მოქმედებს 2011 წლის 31 დეკემბრამდე.
- 12.2. ხელშეკრულების ვადაზე ადრე შეწყვეტა შესაძლებელია მხოლოდ მხარეთა წინასწარი წერილობითი შეთანხმებით. შეწყვეტის შესახებ მათ ერთმანეთს უნდა აცნობონ 30 დღით ადრე.
- 12.3. ხელშეკრულებით ცალკეული პირობების მოქმედების შეწყვეტა მხარეებს არ ათავისუფლებს ნაკისრი ვალდებულებების შესრულებისა და გაწეული მომსახურების ანაზღაურების ვალდებულებისაგან.

#### 13. დავების გადაწყვეტის წესი

- 13.1. ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა პირდაპირი არაოფიციალური მოლაპარაკებების მეშვეობით შეთანხმებით მოავგარონ ხელშეკრულების ირგვლივ წარმოქმნილი ნებისმიერი უთანხმოება და დავა.
- 13.2. თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადავო საკითხების შეთანხმებას, ნებისმიერ მხარეს შეუძლია მიმართოს დავის გადაწყვეტის დადგენილ წესს.

#### 14. დასკვნითი დებულებანი

- 14.1. წინამდებარე ხელშეკრულებით გათვალისწინებული პირობები რეგულირდება საქართველოს კანონდებლობით.
- 14.2. მიმწოდებელს არ აქვს უფლება გადასცეს მესამე პირს თავისი უფლებები და მოვალეობები შემსყიდველის წერილობითი თანხმობის გარეშე.
- 14.3. მესამე პირთან ურთიერთობაზე მხარეები მოქმედებენ თავიანთი სახელით, ხარჯითა და რისკით.
- 14.4. ხელშეკრულება შედგენილია თანაბარი იურიდიული ძალის მქონე 2 (ორი) ეგზემპლარად და ინახება ხელმოწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

#### 15. მხარეთა რეკვიზიტები

##### „შემსყიდველი“

სსიპ საქართველოს ეროვნული მუზეუმი  
მისამართი: რუსთაველის გამზ. №3  
საიდენტი: 204468664  
ქართუ ბანკის კრწანისი-მთაწმინდის ფილიალი  
კოდი: 220101086  
ა/ა GE15CR0030086088583408

##### „მიმწოდებელი“

შპს „ალმა-პლიუსი“  
ქ. თბილისი, ხეთაგუროვის №6  
საიდენტი: 204873388  
სს თიბისი ბანკის მარჯანიშვილის ფილიალი  
კოდი: 220101850  
ა/ა GE76TB110000002467090

